

Alhou no Akupughuqo Shi



Akumzapu Kuchouqo
Kiphi Kichekutsu

17



Sinai naghuto kutsuqa lono Alhou no ahzakutsu
10 pesu Muse wu lo sutsukeu no ghi ithi ani.

Tipau tuqhudo lono Alhou no ithikutho (mystery) chineh ki lakhi shilupenike Muse Piyekusukeu noghi ithi ani. Achineki hipau ye pakutakeu lakhi, Alhou no hileni Pa wu timiqo ghola ngonikeu kichepiyetsu. Achineki hipau lo kumlaqa vechewono Egypt kughu lono khaqhipevekeu shiye Israel nuliqa pelo Alhou no panongu xaphelunikeu kupughu shipu akeu ithipenike kiche piyesutsu. Ithikutho chinehki hipau shou tsaqui jupuku eno hipau ghili phijukeu lono Jisu no kishi axine lono puhavekeu timiqo xaphelu eno sasu akuxupu lo ighi anikeno nono vethalunani. Achineki hipau ghili lono nono tungkuputsaqa pipuwo puatsukeu eno kichepuwo puatsukeu ghiliqo ghi vethalunani. Achineki eno tipau lo tuqhou momu ithikutho kumlaqa kiqu ghili kumtsu nono vethalunani.

1

Alhou ye kiutoikeu ki Muse Piyekusukea?

“Panongu pelo l ghenguno Achineki lakhi shitsu pelo, tishi aye lno tileno panongu ghola ngochenike” (Ipekulu 25:8).

Khokichile: Alhou no Muse vilo Achineki lakhi shitsulopi- tipauye ighono akhoto lakhi, tiye kungugha Lhou no tile ngonikeu ki ke.

Achineki ghili ikholhoi hepho piyesutsu ani

Kungugha lo chinheki ye ighono angualei ajukuvu no chhitoi akeu ki lakhi, ikemu ayeghi loye aphiki, akijelau ft. 15, akushulau ft 45-Cubit lakhi lo inchi 18 kiqu lono aboqha shitsu. Achineki tipau lo Alhou nhekithe ngonani, eno akhoto kumlaqa shinani. Achineki tipau tsukuchoqo ye asu, ghukai pesu thekimekeu shilo, eno shunayi pesu tipau shou davelo (Ipekulu 26:15-19, 29). Eno nhaqhinikeu (roof) ye akumthsaphi, ane mhi, bheri yiko eno bedger yiko pesu nhaqhi lo (Ipekulu 26:1, 7-14) Tile achebo kini likhi shini, atighiu no akimithe chebo, eno akiniu no shishe akimithe chebo shini. Tikuma dolo kokuthaphi ye shishoi eno mishishei shini. Khalacheu Achineki hokumxa ye ft. 75 eno ft. 150 shini (Ipekulu 27:18). Akimithe phephepheikeu phi pesu bothani, eno atozu ye alazayi no pesu shikeu post 60 no puqheni (Ipekulu 27:9-16).

2

Alhou ye Pa wu timqo pelo Achineki hipau vechewono kiu ghili ithilu penikeu hughe chekea?

“O Alhou, O laghiye Achineki lo anike, Khiuno ni Lhou toi kijekea? (Leshele 77:13).

Khokichile: Ayeghi lo chinehki lono Alhou laghi xachilekulu kupughu hu piyesutsu ani. Jisu no ningu xachilelunikeu kumla lo peithanikeu Baibel lono thime thokha ghili kutsupiye ani- azubo-alakhu, eno akumlaqo lono kichepiyesu ani. Achineki lo tinhemugha kiu qhipuanikeno tipaqo lono kishi timi xachilekulu kumla lo peithanikeno kichepiyesu puatsu ani. Hi kumtsu ghili akiphi hipau lono kiche piyesutsu ani.



3

Achineki hipau shinikelo khilauno kishi Muse piyesuepikea?

“Ninguno itehi thime akithe ghili pi akeu ye hike: Ningu ghenguno Achine Tou hitoikeu ani; Paye kungugha shou ayehkipeu kukalakhu wu ajeu iqa ani, Paye Achineki lo hukuthu kumla kishiu (Minister) lakhike. Achineki hipauye timino kumono Ampeu no puthu puakeuke ... tile achinemiqo ani, ... panongu ye kungugha lo yekukhu kumlaqo juno tipau kiqu lono mla acheni. Muse no Achineki shinikelo Alhou no pa piyesukeu toi, kughengu Pano pi, “Naghuto lono aghola opiyesukeu nono ithulukeu kiqu lono, tipau kimihi lono shilo” (Ibrimi 8:1, 2, 4, 5).

Khokichile: Alhou ampi no ayeghi lo Achineki kishi shimayesakeno kichepe Muse piyetsu. Hipa yeghi lo Achineki shipuakeuye kungugha lo chinehki ju no mlake.



4

Khalacheu peitha kepu tinhemugha kiu kiu qhilopi kichetsukea?

Khokichile:

A. Piti mllakepu khache ye Achineki khala lo ani, tipau shouno axine ghenguno aghakishi kumlla gho tsukeu pesu piti mlla che (**Ipekulu 27:1-8**). Akumlla khache tipauye Jisu Khristo wu cross kiqu, Ihoxu khikhi axine ghenguno pesu aghakishi kumlla gho tsukeu no Jisu, Alhou wu Bheriti, timiqo xine ikhisuuvetsukeu kiqu (**Johan 1:29**).

B. Tilehi aw kumtsu khu ani. Akhu tipauye achinheki lo ilonikeu hukikha phivilo qhipuani. Akhu tipau ye kije, alazayi pesu shipuani. Hipau lono Achinemi no Achineki lo ilo akumlla gho tsunikelo aw mutsuve eno apukhu qhuveche (**Ipekulu 30:17-21; 38:8**). Akhu lo azu supuakeu kiqu ye punukitheve kemiqo xine qhukimitheveni keu kiqu (**Tito 3:5**).



5

Akimithe chebo lo kiu kiu nhemugha anikea?

Khokichile:

A. Piyetsukeu sho kibepu ani (**Ipekulu 25:23-30**). Tipau kiqu ye Jisu no akuxupu sho ke (**Johan 6:51**).

B. Akulu aloka shokuba 7 qhipuani (**Ipekulu 25:31-40**). Tipau kiqu ye Jisu no ayeghiqha kuvu ke (**Johan 9:5; 1:9**). Akulu tipau lo amizu kiqu ye Akimithe Ghungu (**Zekharia 4:1-6; Piyekusu 4:5**).

C. Musughuta pitichekeu khache ani (**Ipekulu 30:7, 8**). Musughuta kiqu ye Alhou wu timiqo kighini (**Piyekusu 5:8**).



6

Shishe Akimthe chebo lo kiu anikea?

Khokichile: Puloshoghi bo qhipuani. Shishe Akimthe chebo loye Puloshoghi bo likhi qhipuani (**Ipekulu 25:10-22**). Abo tipauye acasia su pesu mla eno tipau shou shunayi pesu kuzupuni.

Puloshoghi bo kunha shou kungumi kini agi kujughi shunayi pesu mlapuni. Kungumi tikuma dolo kimiyekeu lakhu ani (**Ipekulu 25:17-22**). Tilehi Alhou no ngocheni ipikeu kiquye Alhou ye kungugha lo kungumiqono suhope acheni ipikeu kichepiyesu ani (**Leshele 80:1**).



7

Puloshoghi bo alou kiu qhipuanikea?

Khokichile: Ahzakutsu chighi yehpuku puakeu tulapha kini qhipuani. Atulapha tikuma shou Alhou w loti no ahzakutsu 10 yehpukutsukeu supe qhipuani. Hipau ye Pa wu timiqo no alhokuthu lo gholuchenikeu zahkutsu ke (**Piyekusu 14:12**). Ahzakutsu hipau pesu Puloshoghi ipi ku cheni. Ahzakutsu hipau pesu Acasia su no mlakeu bo lo supe qhipuani (**Zekharia 10:4, 5**). Kimiyekeu lakhu no tipau kunha shou qhipuani. Tiye Alhou timiqo no Alhou zahkutsu hexaveno axine shivekelo pano xine kipimiyo pipheveno xaide igihikemi (**Ahole 28:13**) ahji pele aghakishi kumlla gho tsukeu vechewono panongu kimiye tsunikeu kiche piyesukeu ke (**Achine 16:15, 16**) Axine ghenguno pichepighi Ihoux jih pelechekeuye Jisu jih pelekeu vechewono axinemiqo kipimi qhivetsunikeu kiqu ke (**Mathi 26:28; Ibrimi 9:22**).



8

Kushiye Achine kumlaqo lo pichepighi lhoxu jih pesu aghakishi kumlla gho tsukepu avehu shivekea?

“Ayezha kiqi lono thime kumtsu lo ahji pesu shikimithemaye sakepu avehu shive, eno ahji sumokeloye tilehi axine qhitsu kumlapu shive” (Ibrimi 9:22). “Hiye I jih puloshoqhi akitheu, khikhi kutomo xine kipimi qhivetsunike ghenguno pelevekeu ke” (Mathi 26:28).

Khokichile: Aki lo pichepighi lhoxuqo pesu aghakishi kumlla lo peithamaye sakepu shivekeu kiquye Jisu jih pelemokeloye timiqo xine kipimiqo qhitsu kumlapu shiveke ghengunoke. “Kughnengu axine jume ye akithi” (**Rommi 6:23**) ipikeu ghengu lonoke. Ningu kumtsu axine shive, eno kumtsu thivemaye save. Kughou Adam ngo Eve pama no axine shivekeno tile Jisu ghengu lono kumokenapi aye pama no axine shikhavi lono pithiveniche. Jisu no Pa jih pesu axinemiqo pi lovetusunikeu piqhivekeu no pama susholuke (**Johan 3:16; Piyekusu 13:8**). timi lakhino axine shive aye lhoxu lakhi pesu timi tipau xine ghenguno aghashivetsu che (**Bothubo 4:3-7**) Axine shivekeu pelo pa ampi no lhoxu hu ghiqhi chepe” (**Achine 1:4, 5**). Hitoi ahji pekile kumla ye msakepu lakhi, tishiaghie pinamu hitoi ahji pelemokeloye timi lakhi xine hu nuxamlakepu shive, eno lhokta thivekepu shive. Tighenguno axine launo axinemi lakhi xaphelunike ghenguno Xaphekuloo no Pa kuxu pesu aghashivetsu mayesakepu shive. Axinemi ghenguno Zuqhushikutsuu lakhi avehu shive. Zuqhu shikutsuu sumokeloye axinemi lakhi lau lajupu kuhave. Hitoi keu kupughu ghenguno Achineki lono aghashikutsu ghili pesu kutsupiye, lhoxu lakhi jih pesu aghakishi kumla lo peithanikeu kiche piyesutsu. Hipau ghenguno Alhou no Pa Nu pesu aghashivetsunikeu kumla ghili kichepuwotsuke. Axinemiqo ghenguno aghashivetsu penikeu kiche puwotsuke” (**1 Korinthiami 15:3**). Jisu ye panongu Xaphekuloo likhi kumono panongu Zuqhushikutsuu ghi ke” (**Ibrimi 9:28**). Johan Baptist no Jisu sasu kusholukelo hitoi pi, “Julo, Alhou wu Bheriti, Khieu ayeghiqha xine ikhisuuvetsukeu” (**Johan 1:29**). Puloshoqhi aqau lo timiqo ye pichepighi lhoxu pesu aghakishi kumlla tsukeu vechewono panongu xakulupu Calvary cross lono agha shivetsunikeu Jisu shou lakuju bepuache. Kughengu alaghi hipau lono kumonapi aye tilehi xakulupu laghi kutau kuha” (**Apostolmi 4:12**).





9

Achineki lo kumla lo kishi lhoxuqo ghiqhiche eno tipau kiqi ye kiukea?

“Axine shivekeu no pa w pesu lhoxu kutsu shou be, eno hitoi shikeu no pa xine zuqhushivetsu penikeu ikhiluvetsuche, pano akumlla khache ahuu kudauno lhoxu hipau ghiqhiche che” (Achine 1:4, 11).

Khokichile: Kughou axinemi lakhi no aghakishi kumlla gho pesu tsunike ghenguno lhoxu sunhepe Achineki hikukha lo ighinikeno tile Achinemi no azutachi lakhi ikhipe pa tsu eno akhu lakhi ikhipe tsu. Axine shivekeu timi

huno pa wu pesu lhoxu kutsu shou inape ngono pa xinego pesu pa zuqhulo ghiqhivenike kuto akeu shou shupheve momu pipukuve che, pa xinego hu pesu lhoxu tipau shou tukiqhepukuve che, tishivekeu lono timi tipau lau kiu kipimimu kuhaveche, kughenguno lhoxu tipauno pa zuqhushi pa xine puluvetsuake ghenguno. Lhoxu tipau no axineu xine hu puluvea, eno lhoxu tipau ye thivemayesa, palikhi pa wu no lhoxu tipau ghiqhimagesa. Hitoi shikeu lono akipimi kuhakeu lhoxu lakhino timi lakhi xine puluvetsuno pa kuxu pesu tsuvekeu shiche. Titoi axine kuhakeu, akipimi kiumu kuhakeu Messiah huno axinemi lakhi ghenguno Pa kuxu tsuvenikeu ghili kichepuwotsu cheke’.

10

Kughou aqoaho ghenguno lhoxu lakhi pesu akumlla gho tsukelo Achinemi ye lhoxu tipau jih pesu kiu shive che, eno tipau kiquye kiu kea?

Kishephepuakeu: Achinemi lakhi shipenikeu kishephe puakeu huno amishitsu jih hami pesu aqono kuhokumuqo chekeu chinehki lo suighino Achinemino pa wu loti pesu ahji lo putsu puzu pesu Ampeu zulo ghuthu tsuni kuzuteve che, kokuthaphi zulono” (Achine 4:16, 17).

Khokichile: Kughou aqoaho kumtsu xine ghenguno akumlla gho pesu tsunikeno Achinemi khiuno ayeghi lo chihheki lo Jisu Zuqhushi mlatsu anikeno (**Ibrimi 3:1**) pano ahji pesu Achineki lo ilono akimithe chebo ngo Shishe Akimithe chebo pama dolo kothapuakeu zulo kuzuteve che. Alhou nhekithe ye Shishe Akimithe chebo lo ache. Hitoi axinemiqo xine hu tukiqhepe Achineki lo suveche. Achinemi no ahji pesu ilo Achineki lo mlachekeu kiqu ye Jisu no kungugha chinehki lo ningu zuqhushi mlatsunikeu yekukhu shitsucheke. Jisu no cross lono axinemiqo ghenguno aghashivetsu, xuchileluve eno kungugha lo ikuno kungugha chinehki lo ningu zuqhushi mlatsu ani (**Ibrimi 9:11, 12**). Timi khiuno Jisu shou pulubeluve puzu Jisu jeh lono pa xinego pipheveno tipaqo mlaidemove akeno tipano xine kipimiqo qhivetsunikeu kumla Jisu no kungugha chinehki lono mla ani (**1 Johan 1:9**).



11

Achineki lo aboqha shieno mlachekeu lo Jisu no Pa wu timiqo ghenguno mlatsu akeu akhoto kini aniepikeuye kiukea? Pano ningu kimiyeno mlatsu akeu akiqueuye kiu Kea?

"Khristo ningu wu hechekulu ghulhu Bheriti huno ningu ghenguno aghashivetsua" (1 Korinthiami 5:7).

"Ningu ghenguno Achine Tou Akijeu Alhou Nu Jisu, Khiu kungughaqo hechesu ikuve keu ani. Ninguno kiu pikiphe shipuanikeno tipau akumtoshi tsuqupe ani nolo. Ningu ye Achine Tou lakhi Khiu ningu kimiqelo jusutsumla nikeu pighi anike kumo, ikemu Paye alaghi kumtsulo ningu toi ghuju, tishimu Paye axine shimo. Tighenguno ningu akumtoshieno kikimiye lakhu zulo iloni shilo, tishiaye nunguye kikimiye ithulunani, eno avehupu shivekelo akukuphu ithulunanike" (Ibri 4:14-16).

Khokichile: Jisu ye kungugha lo ningu Chineh Tou shieno ningu xine ghenguno aghashivetsukeu kumla shi ani. Axinemi lakhi ghenguno bheriti no aghashivetsu chekeu toi Jisu no ningu axinemiqo ghenguno agha shivetsu ke. Ikemu Pa ye ishiye kungugha chinehki lo ningu ghenguno tamono piphekumlapu michipu kumla kini mlatsu ani:

- A.** Qhoi pekilivekeu pesu punukithe ipicheni, punukithe momu pekiliveke thiuye wovekeu lo xine kumlaqo mlaidemove cheni **(Johan 3:3-6; Rommi 3:25).**
- B.** Ithei eno ighinikeu lo xu achenikeu kuka chipiu **(Tito 2:14; Filipiami 2:13).**



Ningu ghenguno aghashivetsu keu, Jisu no ningu
gheguno qhoi pekilivekeu kuxu suighitsunani,
kughengu Pano ningu Chineh Tou ke ghenguno.



Jisu no ningu pelo itehi eno
ighinikeu kuxu lo achipiu xulukepu
kuka tsunani.

Akumzapu kumla hikuma no timi lakhi pesu amikucho shivetsu cheni- tiye timi lakhi pelo Alhou sasu achipi lono kuthsukimeluve penikeu laghi shitsu cheni. Ningu axinemi lakhiye nilikhi nikutoshi ni kumto lono amikucho shikulupu laghi kuha (**Apostolmi 4:12**). Ninguno amikucho shilunikeuye Jisu no akichiqhikepu shi ningu ghenguno mlatsukeu vechewono shilunani. Timi lakhino amikucho shilunikeu ye Xachilekuluu shou pukhukibe lono shilunani. "Akupulu lono amikucho shitsu" ipike. Ninguno Jisu vilo ningu kuxu Kukau shitsulopi inikhuni, eno Pa shou pukhube puzu Pa pelo akichiqhikepu lono ningu pelo Pa sasu tokhoi eno chhitoi kuposhulupe kepu shitsupeni. Khristo no ningu lau mlatsukeu likhino kuchou mikuchoke, tilikhino alho lo achenikeu mikuchoke. Hinguno alau kutauye pishikiqhi lakhike.

Jisu Khristo vechewono amikuchho ghili tsugho piqhi puaniepikeqo ye khipaqokea?

Khokichile:

- A. Pano wovekeu lo ningu xine kumla lhokusaqo kumtsu nuxavetsunani eno ningu pesu axine kuhakemiqo gholo kihisuluve nani (**Isaya 44:22; 1 Johan 1:9**).
- B. Pulhokusu lonomu ningu ye Alhou julho lo lhosupuan (**Bothubo 1:26, 27**). Ashekha lo ningu luchilepe thosu Alhou julho lo suvetsunani (**Rommi 8:29**).
- C. Ninguno amikuchoshi xunike pulo aye Jisu no akuka ningu tsupuzu ningu pelo tipau shikupulupe nani (**Filipiami 2:13**).
- D. Jisu no Pa wu akichiqhikepu kuka lono ningu pelo alokivishi Alhou mulokiqiu likhi shiluchepe nani (**Ibrimi 13:20, 21; Johan 15:11**).
- E. Akithipu pesu ningu tsupuakeu Jisu no xavetsu puzu Pa wu akipimi kuhakeu lhokta kuxupu pesu ningu tsunani, kughengu Pano ningu zuqhushi thivetsuake ghenguno (**2 Korinthiami 5:21**).
- F. Pano ide ighieno ningu sasu kungugha lo wumphi kutolo ningu vilo Pa shou pulukibe lo xu aghilopi pichebe puani (**Filipiami 1:6; Judea 1:24**).

Jisu ye Pa jukuvu lo tushokiqhi hipaqo kumtsu ningu pelo shikupulu aghipenishi ani. Hipau ghenguno noye kutokithi anima?



13

Akupulu lono amikucho shilu ipikeu lo ningu luthu lakhi ye ilo kusaje lunanima?

"I vilo Ampeu, Ampeu, ipichekemi kumtsuno Alhou kukaqha lo ilolunike kumo, ikemu l Puh kungugha lo kuau pulou shichekemi likhino ilolunani. (Mathi 7:21).

Khokichile: Iye. Jisu no pikeuno ningu ye Pa Puh pulou likhi shiche mayesapi ani. Puloshoghi aqau tsala qolo, khiuno kuchouno pa mulo pekilive puzu pa zuqhushi aghashivetsu penikeu kumlla gho pesu igi nikenno paye kuchouno pa xine ghenguno pa mulo ime akeu kichepiyesu ani. Paye pa mulo kuchouno Ampeu pelo ilo pa mulo lo ngono pa kuxu laghi kichekutsuu shipenishikeu piyesu akeu ithulu ani. Titoi, ishi ningu ghi amikucho shilunike ghenguno akichihikepushi ningu mulo pekiliveno tsala pekighi lo Jisu lau ni kuxu pesu tsu aghimayesa (**1 Korinthiami 15:31**). Pa pelo ni kuxu laghi kichetsu penike ghenguno ni mulo lo Pa ku sulo, tishi aye ni kuxu lo akichihikepu kumlaqo shikupulunani. Ningu ye puloniqhiyi shieno kikimiye lono Pa gholumayesa. Pano khilau ni sasu wunikenno tilau Pa papesu wumayesa (**Johan 12:26; Isaya 1:18-20**). "Ningu lau axine shivekulupu lhoayeh xapu chekeu huno ningu sasu nilikhi ni laghi lo wuvecheni" (**Isaya 53:6**) eno tishikeu huno Alhou gho hebideve cheni, Satan no abothu lo shikeu toi (**Isaya 14:12-14**). Jisu pelo ilo ni kuxu lo ayehkipeu shipenikeu khanilo ye ighono kushokutsupu lakhi shive cheni, ningu vilo anhethe chixejove momu ni phi lono abi tujovelo ipikeu toi (**Mathi 5:29, 30**), kughengu axine no ningu kuxu ghupileve akehu Alhou no akichihikepu lono ningu shikumuzu tsunike kumonapi aye ningu kutoshi ningu kuxu pekililunikeu ye kushokutsupu lakhi (**Mark 10:27**). Kutomono panongu ghi xalunanike ipi pikiphe shive aye panonguno kiu kiu kumla shi anamu xalunanike ipi kumsu eno pi acheni, ikemu tiye pishikiqi lakhi ke. Khristomi lakhi ye Khristo no kiche piyesukeu papemayesa, Pa laghi zumayesa (**1 Pitor 2:21**). Akughupu eno amekusho Jisu jih likhino ningu lau hipau shikuputsulu nani (**Ibrimi 13:12**). Ikemu ni kuxu ghoi pesu Jisu ghakusu qholo qhiluveanguno hipau ningu lau shikupulunani, tishianguno ningu ye alaghino kiutoi kushokutsu shi aghiepinamu Pa papesu wulunani (**Mathi 7:13, 14, 21**).





14

Ikhivetsukeu Tsala ye kiu kea?

Khokichile:

A. Israel chineh lo akhoto tsala lakhi ache- tipau pesu kughathabekeu tsala (day of atonement) ipi kuche (**Achine 23:27**). Atsala hipau lo luthu lakhikhi no pututa xine Alhou vilo piphemayesa. Tishimokemiye tipani no paye Israel lono alhokuthu ghenguno hapheve che (**Achine 23:29**).

B. Tipani ane kini kisheluche: Lakhino Ampeu ghenguno, eno lakhiuno ghapheu (scapegoat) eno tiye Satan kigitsukeu (**Achine 16:8**) Ane khikhi Ampeu ghenguno qhibeLuku pesu timiqo xine ghenguno ghiqhipesu akumlla gho tsuche (**Achine 16:9**) eno tipau jih (blood) ye Achine tou no pesu Shishe Akimithe chebo lo ilono kimiyekeu lakhi zulo kuzuteve che (**Achine 16:14**). Hi kughathabekeu akhoto tsala hipau lo likhino Achine tou no ampe lo ghuthu lakhi Shishe Akimithe chebo lo ilono kimiyekeu lakhu lo Alhou sasu kusholuche. Hile ahji pesu kuzute keu kiquye (Jisu no axinemi ghenguno Pa jih pelevetsuni keu kiqui kichepiyesuche) eno tiye Apuh



Jisu ye Ampeu wu anetsu zuqhushi, khiu ningu xine ghenguno thiveni kuau.



Ane Satan ghenguno qhibelukeu shou Alhou no axine makho kumtsu shupukuvetsu che.

Alhou no ikhiluvetsu eno pulovetsu; timiqono piphevekeu xineqo kumtsu Achineki lono tukiqhepe Achine tou shou bevetsuche. Achine tou no timiqo xine tipaqo kumtsu xapusu ipe Achine ki khalau ghapheu ne khikhi Satan ghenguno qhibelukeu shou tukiqhe pukuvetsuno sasu wo aghasaqha lo phesuve che (**Achine 16:16, 20-22**) Hipau ghola lono Achineki lono timiqo shikimithe che. Ampe kupuju lo timiqo xine pesu Achineki lo tukiqhesu puachekeu yehkikithiqo hu ishi hi kughathabekeu tsala lono shikimitheveche.

15

Kughathabekeu tsala (Day of Atonement) lo ayeghi lo akeu chinehki lo shichekeu ye Alhou no xakulu kupughu shipuakeu yekukhu kichepuwo tsu chekeshea?

"Kungughaqo lo thimeqo jupusu iq'i mlapuakeu ye hipau ghola lono shikimitheve kepu avehu shive. Ikemu kungugha lo thimeqo ye pakuto shino aghakishi kumlla gho akivi'u pesu shikimitheve nani" (Ibrimi 9:23).

Khokichile: Iye. Tipani kiu mlakeno tipaqoye kungugha chinehki lo kuchou Chineh Tou no axineqo nuxavetsu, eno yitsuluve tsunikeu kumlaqo ghili kichepuwotsu cheke. Pa jih pekile kumla vechewono Jisu no hipaqo kumtsu pesu akuxupu kaku lo Yekikithipe qhipuani. Pa kupulumiqono piphevekeu xineqo kumtsu Khristo no nuxavetsu eno yitsuluvetsu nani, eno lhokta kuxupu pesu panongu tsunani. Hi kughathabekeu akhoto tsala pesu Israelmiqo no Yom Kippur ipi che. Ayeghi lo chinehki lono ighinikeu lo Khristo no timiqo shou kughathabenkeu yekukhu kichepuwotsu che. Wovekeu lo zuqhushitsu chekeu tsala huno ighinikeu lo Jisu ye kungugha chinehki lo lapuu (mediator) kumla shieno Pa jih pelevekeu shou pulubeluve kemiqo xine nuxavetsu eno yitsuluvetsuni keu ghili kichepuwotsu cheke. Ampe lo ashekha zuqhushi mlatsukeu kumla huno Ampeu no ashekha lo kumtsu shou kughathabenikeu kumla shinikeu kichepuwotsu cheke. Timiqo no xu ake dolo axine shichekeu kumtsu phujuno akithipu keo akuxupu keno luthu lakhi kumla kiqu lono kughathabenikeu ghili kuchepuwotsu cheke.

Ighono akhoto shi ipeghiniye akeu

Nono hipau shelo akiphi kichekutsu kini lono ayeghi lo chinehki lono Zuqhushitsukeu tsala momu kughathabekeu tsala lo kumla lono ashekha ghulokilo kiu shi ipeghinanikeno tipau yekukhu ghili philunani, eno tipau ye kungugha chinehki lono shikupukeu shinani.

Kughathebenikeu do aghuloki

Hipau shelo phinikeu kichekutsu lono Baibel lo tungkuputsa lakhi lono Alhou no kungugha lono timiqo shou kughathabenikeu tsala pichhopuwo puatsukeu ghili philunani. Tipau ghili philukelo noye kuchouno akichiqhi venani.

16

Noye Alhou no Kuchou Akithe olau piyesu keu ikhilunike pulo anima?

Nono khochilenikeu:

Hilehi okukumsu eno injuakeu pitsulou





15



16



17



18



19



20



21



22



23



24



25



26



27

Akiphi kichekutsu hipau ghi akiphi 27 gholo lakhike.

Akiphi kumtsu lo akumzapa kuchouqo no chittoi ani, hipauno no eno no kibolomiqo kuxu pekiliwetsukulupu anike. Akiphi lakhimu vezuve kevalo.

Akiphi kichekutsu 15: Khiuno Khristo ghumikea?

Akiphi kichekutsu 16: Aqha lono kungumi tsapeqo

Akiphi kichekutsu 17: Alhou no akupughuqo shi

Akiphi kichekutsu 18: Ado achipi lono! Tungkupu sukusu piyetsu

Akiphi kichekutsu 19: Ashekhau kughathabenikeu

Akiphi kichekutsu 20: Tughashi michipu

Akiphi kichekutsu 21: Baibel Tungkuputsa lo USA

Akiphi kichekutsu 22: "Totimi" kutau lakhi

Akiphi kichekutsu 23: Khristo nipu-kulaliu

Akiphi kichekutsu 24: Alhou ye ayepukighithimi eno akuka kutau pe akemiyo lau muzusutsu keshea?

Akiphi kichekutsu 25: Ningi ye Alhou shou pukhu anima?

Akiphi kichekutsu 26: Kikimiye hune pekiliwetsu

Akiphi kichekutsu 27: Ide ighima

Noye niu Akiphi Kichekutsu-u 14 ithuluvama? Ithulu mono aghi aye, akiyeh tsülo:
Amazing Facts India, Post Box No 51, Banjara Hills, Hyderabad-500034

Kimiyepe Summary Sheet hipau kishekha mpho zuwuno akiphi phijulou. Khokichile kumtsu akiphi kichakutsu lono ithulunani. Chejuno achipiu khokichile lo sutsulo. **Akikihi parentheses lo piyepuakeu (1) no khokichile achipiu ke.**

Form tipau pichivenikeu ghenguno kimiye pu “Adobe Reader” peithalo.

- 1) **Achineki khala lo anhemugha kiu kiu qhipuanikea? (2)**
Kimiyekeu lakhu ani Muzulakhi ani
Aw kumtsu khu ani Akumlla khache ani
- 2) **Kimiyekeu lakhu shou Alhou nhekithe ache (1)**
Iye Moe
- 3) **Kiyethi (albbabet) kikithi kiqu lono pashelo tsa pesu kuxutha puakeu lo ye no atsazo kupuve tsulo. (kichikipiye julo): (4)**
A Cross B Jisu C shikimithevetsukeu D akighini, E akuvu
KichekiPiyekusu: Pitimlla cheku khache kiquye **A** ke
Aw kumtsu khu iquye axine launo
Akibepu lo piyesukeu sho bepuakeu kiquye
no akuxupushoke
Aghugha kulu aloka tsuni akeu kiquye Jisu no
ayeghiqha ke
Musughuta pitichekeu khache kiquye Alhou timiqo
- 4) **Achineki eno tipaulo kumlaqo kiqu momu kimiji ye ye (1)**
Timiqo pelo kunguniqu ghili vethalupenike kuphutsukeu
Ashi pesu timiqo pelo chupenike tsukeu
Xakulu kupughu shipe qhikeu
- 5) **Achineki kupughu ye khiuno shikea? (1)**
Noah no shi Aaron no shi
Kungumino shi Alhou no shi
- 6) **Alhou zahkutsu 10 ye puloshoqhi bolo supe qhive (1)**
Iye Moe
- 7) **Lhoxu pesu aghakishi gho shi ghiqhiikeu kiquye (1)**
Akimithe Ghungu kiqu
Aghushinikeu kiqu
Jisu ghiqhiivenikeu kiqu
- 8) **Achineki lo kumlano aboqha shipuzu Jisu no alaghi kini lono ningu ghenguno mlatsu chekeuye kiu Kea? (2)**
Akuka Achine tou
Aghashivetsu Ayeghiqha shou ayehkipeu
- 9) **Ayeghi lo chinehki lo thime khipaqo acheke? (2)**
Tile achebo kuthu ache
Aphiki shikeu ghola lono kichikipiyesu
Tipau ye ft 500, ft 1,000
Tipau kikhala boqha ye alazayi pesu shi eno akumthsaphi no kuzuve
Nhaqhikepu –roof aghiye ye Egypt mi tu pesu shi
Aw kumtsukhu ye shishe akimithe chebo lakhi
- 10) **Akupulu lono amikuchho shikeuno kuchou mikuchoke (1)**
Iye Moe
- 11) **Akupulu lono amikuchho shilu ipikeuye (1)**
Akumla lono
Azuloputsukeu (Baptism) lono
Jisu Khristo shou pulubeku lono
- 12) **Axine shivekemino sasu ighikeu lhoxu ye khiuno ghiqhi cheke? (1)**
Alhou no
Achinemino
Axine shivekeuno
- 13) **Jisu no amikuchho pesu tsu ipikeu tsa hipaqo ghola khikhiuno kuchouke? (3)**
Hipau no ningu luchilepe Alhou julho lo suvetsunani
Hiye akichiqhi akepu kumoe

Hipau lo ningu kumla kivino saje akijeu shi ani
 Hipauno wovekeu lo ningu xinego kuzunhaluvenani
 Hipau no ningu pelo achipishi xunikeu kupulo
 tsunani
 Ninguno ningu xinego qhivenishimonamu
 hipau no kuzunhavetsu nani

14) Zughushitsukeu tsala ipikeu ghili tsupuakeu lo khikhiuno kuchoukea? (4)

Hipau ye aghi kumtsu lo shi ipegiche
 Hipau pesu kughathabekeu tsala ipiche
 Hipau pesu aghilishikeu tsala shiche
 Hipau pesu ashekhau kughathabevenikeu
 kichepuwo tsuke
 Ghapheu ne pesu Satan kiqitsuke
 Ahji hu pesu shishe akimithe chebo lo ilove che.

15) Amikucho ipikeu ye Alhou sasus achipi lo kuposhukeu ke (1)

Iye Moe

16) Ihoxu lakhi ghiqhipe axine ghenguno aghashivekeu gho tsukeu lono timiqono axine shikeu lono akithi suighike ipikeu vethaluche (1)

Iye Moe

17) Noye Khristo mikucho ikhilunishi anima? Tipau lo axine kipimi qhikutsu ghi sukuqha ani, axine launo shikimithevetsukeu ghi ani, eno itehi eno ighinikeu kuxu lo achipi lono xuchenikeu kuqha anike

Iye Moe

Kungu iniju puakego achipilo khochile tsulo!



Tilehi kihisuveni keghenguno oje, email eno thepiu kikihi sulou.

Owu akiphi kichekutsu KUMUSA no ithuluni keghenguno "Sulou" lo inalo.

Oje :					
Owu Email :					
Thepiu kikihi :					
Okungo-a :					
Aphugui, District :		State :		Aghaqhu :	
Pin :		Apunu mpe amqo:		Gender :	

Anile shi no kusutsa nikeu tipau tsulou